



Public Affairs Office  
of the  
U.S. Consulate General  
Calcutta

# মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071  
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

২০ জানুয়ারি ২০০৬

## বিখ্যাত মার্কিন বি ই টি জ্যাজ গোষ্ঠী আসছে কলকাতায় **এইচআইভি/এডসের বিরুদ্ধে জোটবদ্ধ ভারতীয় ও মার্কিনরা**

কলকাতা -- বি ই টি -- এই তিনটি অক্ষরই চিনিয়ে দেয় আমেরিকার বিখ্যাত সেই জ্যাজ গোষ্ঠী ব্যাক এন্টারটেনমেন্ট টেলিভিশনকে যার একটি ব্রত রয়েছে। মার্কিন বিদেশ দণ্ডের আর্থিক সহায়তায় আমেরিকান সেন্টার কলকাতায় হাজির করছে জ্যাজের দুনিয়ায় সাড়া জাগানো নাম, বি ই টি ও থেলোনিয়াস মঞ্চ ইনসিটিউট অব জ্যাজ গোষ্ঠীর এক ডজন শিল্পীকে। আগামী শুক্রবার থেকে রবিবার, ২৭-২৯ জানুয়ারি কেনি গ্যারেট, নিকোলাস পেটন ও লিজা হেনরির মত বিশিষ্ট জ্যাজ তারকারা কলকাতায় আয়োজিত বিভিন্ন অনুষ্ঠান মাতাবেন। চলতি ভারত সফরে এসে এই জ্যাজ গোষ্ঠী বিশেষ ভাবে তুলে ধরবে এইচআইভি/এডসের বিরুদ্ধে ভারতীয় ও মার্কিনদের জোটবদ্ধ লড়াইয়ের কথা। বি ই টি গোষ্ঠী মার্কিন যুক্তরাষ্ট্রের একমাত্র ২৪ ঘন্টার টেলিভিশন চ্যানেল যা জ্যাজ মিউজিক ও কালচারের প্রসার ঘটাতে পুরোপুরি নিবেদিত। অন্যদিকে কিংবদন্তীভূল্য জ্যাজ পিয়ানিস্ট ও সঙ্গীত রচয়িতা থেলোনিয়াস মক্ষের স্মৃতিতে গড়ে উঠেছে অ-লাভজনক সংস্থা থেলোনিয়াস মঞ্চ ইনসিটিউট অব জ্যাজ।

শুক্রবার, ২৭ জানুয়ারি সন্ধ্যা সাড়ে সাতটায় ডালহৌসি ইনসিটিউটে 'কঙ্গো স্কোয়ারে'র সহযোগিতায় আয়োজিত জমজমাট জ্যাজের আসরে দেখা যাবে ওই মার্কিন শিল্পীদের। কলকাতায় থাকাকালীন বি ই টি সঙ্গীত শিল্পীরা আমেরিকান সেন্টারে হাজির হওয়া মিউজিশিয়ান ও শিক্ষার্থীদের জন্য একটি মাস্টার ক্লাস নেবেন এবং জ্যাজ-প্রেমী ও সংবাদমাধ্যমের প্রতিনিধিদের সঙ্গেও কথা বলবেন। এইচআইভি/এডস কর্মসূচীর সঙ্গে যুক্ত স্থানীয় কিছু প্রকল্প ও তাঁরা ঘুরে দেখবেন। বি ই টি জ্যাজ গোষ্ঠী এবারের সফরে কলকাতা ছাড়াও অনুষ্ঠান করবে মুম্বইয়ে। তাদের সফরের বিষয় হল, “এডসের বিরুদ্ধে মার্কিন ও ভারতীয়রা জোটবদ্ধ।” বারোজন শিল্পীর এই দলটিতে রয়েছেন গ্র্যামি পুরস্কারের জন্য অনেকবার মনোনীত কেনি গ্যারেট (স্যাঙ্কেফোন), নিকোলাস পেটন (ট্রাম্পেট), লিজা হেনরি (কঠ), ক্রিস্টোফার ফান (বাস), রোনাল্ড ব্রানার (ড্রাম) ও কার্লোস ম্যাককিনে (পিয়ানো)।

এইচআইভি/এডসের বার্তা সকলের কাছে পৌছে দিতে বি ই টি জ্যাজ গোষ্ঠীকে দিয়ে এখানে অনুষ্ঠান করানোর বিষয়টি কলকাতার মার্কিন কনসুলেট জেনারেলের বিভিন্ন জন-কূটনৈতিক প্রায়সেরই অঙ্গ। আমেরিকান সেন্টারের ডিরেক্টর সুসান এম শুলজ বলেছেন, “এই সফরের শেষে জ্যাজ-প্রেমী সহ প্রত্যেকেই নিশ্চয়ই এইচআইভি/এডসের বিরুদ্ধে দুনিয়া জুড়ে প্রচারে সামিল হওয়ার তাগিদ বোধ করবেন।”

\*\*\*\*\*